

**Nakorsaasiussanut allattuiffiit aamma nakorsaatisssanut allagartat pillugit
Namminersornerullutik Oqartussat nalunaarutaat nr. 28, 14. november 2005-imeersoq**

Nakorsaait pillugit inatsisartut peqqussutaanni nr. 1-imi 12. maj 2005-imeersumi § 16, imm. 3, naapertorlugu aalajangersarneqarput:

Atuuffia

§ 1. Nalunaarummi aalajangersakkat inunnik nakorsaatisssiisarnermi taamaallaat atuupput.

Nalunaajarneqarnera uppersaasussaataanerlu

§ 2. Nakorsaatisssiineq imatut paasineqassaaq pisumi aalajangersimasumi napparsimasumut aalajangersimasumut nakorsaammik aalajangersimasumik atuinissaq pillugu aalajangerneq. Aalajangerneq taamaallaat atortussaatinneqassaaq peqqinnissaqarfimmi sulisumit piginnaatitaasumit taassuma piginnaatitaaffiata iluani aalajangiiffigineqarsimappat.

§ 3. Nakorsaatisssiineq sunaluunniit napparsimasup journaliani takuneqarsinnaassaaq.

Imm. 2. Nakorsaasiussanut allattuiffik atorneqarpat nakorsaatisssiineq napparsimasumut nakorsaasiussanut allattuiffimmut allanneqassaaq, nalunaarummi matumani malittarisassat naapertorlugit.

Imm. 3. Nakorsaasiussanut allattuiffik atorneqanngippat, peqqinnissamik sulisumit nakorsaatisssiisumit nakorsaammik napparsimasumut ingerlaannartumik tunniussisoqanngippat nakorsaatisssanut allagartaq nakorsaatisssiinerit tamaasa atorneqartassaaq.

Nakorsaasiussanut allattuiffik

§ 4. Nakorsaasiussanut allattuiffiit qarasaasiakkut immersugassiarluunniit Peqqissutsimut Pisortaqarfimmit akuerineqarsimasoq atorlugu allatorneqassapput.

Imm. 2. Napparsimasut tamarmik immikkut nakorsaasiussanut allattuiffilerneqartassapput allattuiffillu taanna napparsimasup journalianut ilaatillugu toqqortarineqassalluni.

§ 5. Nakorsatisssiinerit tamaasa napparsimasumut nakorsaasiussanut allattuiffimmi makku allanneqartassapput:

- 1) ulloq nakorsaatisssiiffik,
- 2) peqqinnissaqarfimmi sulisup nakorsaatisssiisup aqqa, atorfia immersugassiallu pappiaqqat atorneqartillugit taassuma atsiornera,
- 3) nakorsaaitip suunera nioqqutissialluunniit taaguutaa,

- 4) atorneqarnissaa annertussusilerneqarneralu,
- 5) sakkortussusia annertussusialu,
- 6) pisariaqartinneqarnera, aamma
- 7) nakorsaatiq qasseriarlugu qanorlu akuttussuseqartillugu tunniunneqartarnissaa pillugu paasissutaasinnaasut.

Imm. 2. Nakorsaatiissiineq naappat naaffia atorunnaarsinneqarnerata ullua ilanngullugu nakorsaasiussanut allattuiffimmut allanneqassapput.

Imm. 3. Nakorsaatiissiineq killilimmik piffissaligaanngitsoq imaluunniit atorunnaarsitaasimanngitsoq nakorsaatiissiinerup ullulerneqarneraniit ukioq ataaseq atuutissaaq.

Nakorsaatisannut allagartat

§ 6. Nakorsaatisannut allagartat qarasaasiakkut immersugassiarluunniit Peqqissutsimut Pisortaqarfimmit akuerineqarsimasoq atorlugu allatorneqassapput.

Imm. 2. Nakorsaatisannut allagartat erseqqissumik atuaruminartumillu allaffissiamut ataatsimut allataassapput. Nakorsaatisannut allagartat naalisaanernik imaluunniit ilisarnaatinik paasinninnissamut nalornissutaasinnaasunik imaluunniit nakorsaatisannut allagartaliisup aamma nakorsaammik tunniussisup akornanni qanoq isumaqatigiittoqarsimaneranik apeqqusiisoqartariaqarfiusunik imaqaassanngillat.

§ 7. Nakorsaatisannut allagartaq paasissutissanik makkuninnga imaqaassaaq:

- 1) ulloq nakorsaatiissiiffik,
- 2) nakorsaatiissiisup aqqa, atorfia atsiorneralu,
- 3) napparsimasup aqqa aamma CPR. normua, imaluunniit napparsimasoq CPR. normoqanngippat inuua,
- 4) nakorsaatiq suunera nioqqutissialluunniit taaguutaa,
- 5) atorneqarnissaa annertussusilerneqarneralu,
- 6) sakkortussusia annertussusialu,
- 7) pisariaqartinneqarnera, aamma
- 8) nakorsaatiq qasseriarlugu qanorlu akuttussuseqartillugu tunniunneqartarnissaa pillugit paasissutaasinnaasut.

Imm. 2. Nakorsaatisannut allagartaq nakorsaatiissiinerup ullulerneqarneraniit ukioq ataaseq atuutissaaq.

§ 8. Nakorsaatisannut allagartaq nakorsaatiq amerlanerusut taanna atorlugu tunniunneqarsinnaajunnaarpata atorunnaarnera pillugu uppernarsarlugu atsiorneqaassaaq.

Atuutilerfia

§ 9. Nalunaarut atuutilerpoq ulloq 1. januar 2006.

Namminersornerullutik Oqartussat, ulloq 14. november 2005

Asii Chemnitz Narup

/

Søren Rendal